

Pejabat Pengurusan Penyelidikan, Inovasi, Pengkomersilan dan Perundingan (ORICC)


BENGKEL SEMAKAN KEJITUAN DAN PIAWAIAN DATA MyRA@2016

Pada 13 Mac 2017, ORICC telah menganjurkan Bengkel Semakan Kejituan dan Piawaian Data Mengikut Malaysia Research Assessment 2016 (MyRA@2016). Panel yang dijemput hadir dalam bengkel ini ialah Prof. Dr. Mohd. Shahir Shamsir Omar dan Puan Zuridah Saadan dari Pusat Pengurusan Penyelidikan (RMC), Universiti Teknologi Malaysia (UTM). Bengkel ini merupakan pra-semakan bagi data-data MyRA@2016 yang telah dikumpulkan mengikut Glosari MyRA@ 1 (Pindaan 2016). Bengkel yang berlangsung selama satu hari ini melibatkan ORICC selaku Sekretariat MyRA@ dan semua pemilik data/data feeder. Bengkel ini diharapkan memberi banyak manfaat kepada semua pegawai yang terlibat secara langsung dalam proses pengumpulan dan penilaian data MyRA@ UTHM.



PROGRAM AUDIT DALAMAN MyRA@2016

Program Audit Dalaman Malaysia Research Assessment 2016 (MyRA@2016) telah diadakan pada 27 Mac 2017 di War Room, ORICC. Program ini melibatkan seramai empat panel audit dalaman yang diketuai oleh Prof. Dr. Badrul Omar (FKMP). Panel auditor lain terdiri daripada Prof. Dr. Sulaiman Hj. Hasan (FKMP), Prof. Dr. Mohammad Faiz Liew Abdullah (FKEE) dan Prof. Sr. Dr. David Martin @ Daud Juani (FPTP). Program ini merupakan persediaan UTHM dalam menghadapi penilaian dan penarafan data MyRA@2016. Program yang bermula pada awal pagi ini diakhiri dengan pembentangan Laporan Penutupan Audit Dalaman MyRA@2016 pada jam 3.00 petang. Audit dalaman ini melibatkan pihak ORICC dan semua pemilik data/data feeder. Semoga program ini dapat memantapkan lagi kualiti data MyRA@ UTHM yang akan dimuat naik dalam sistem e-MyRA@ Kementerian Pendidikan Tinggi (KPT) pada 31 Mac 2017.



SESI PERKONGSIAN ILMU 'TALK ON INTELLECTUAL PROPERTY RIGHTS'

Pada 29 Mac 2017, Pusat Inovasi, Pengkomersilan dan Perundingan (ICC) telah menganjurkan Sesi Perkongsian Ilmu bertajuk 'Talk On Intellectual Property Rights' yang telah disampaikan oleh Profesor Dr. Ruzairi Abdul Rahim, Timbalan Naib Canselor (Penyelidikan dan Inovasi). Dianggarkan seramai 70 penyelidik telah hadir ke sesi perkongsian ilmu tersebut yang diadakan di Dewan Jemaah, Perpustakaan Tunku Tun Aminah. Objektif program adalah untuk memberi pendedahan kepada para penyelidik mengenai kepentingan perlindungan harta intelek khususnya bagi hasil penyelidikan berimpak tinggi. Dengan penganjuran program seperti ini, diharapkan agar kesedaran terhadap kepentingan perlindungan harta intelek dalam kalangan penyelidik dapat ditingkatkan.

